

「憶臺雜記」重印小記

方 豪

「憶臺雜記」，餘姚史久龍追憶其於光緒十八年至二十一年間旅居臺灣之作；因適在甲午前後，故為臺灣近代史重要史料。十餘年前，余購自臺北冷攤。有光紙，線裝一冊，分上下卷，上卷二十一葉，包括自叙一葉在內；下卷二十四葉。葉分兩面，面各十二行，行二十九字，全書約三萬字。在臺似無第二本。

撰者史久龍，字蓮蓀，別號「姚江藕中人」，題所居曰「味果寄舫」。自叙作於光緒二十二年（一八九六）三月，去今近八十年矣。

光緒二十二年為割臺後一年；來臺則在割臺前三年，值臺灣改省及被割之時。其行程起於杭州（據自叙），所記始於光緒十八年陰曆八月廿九日（一八九二年十月二十日）；是年陰曆八月有三十日，「九月初二三更至滬」。自杭州乘小火輪至滬，不需三日，疑自杭返餘姚故鄉，再經寧波乘輪至滬也。

九月初七日由滬赴廈門，初九經汕頭，十一日至廈門，十八日乘麥利士輪赴臺南，十九日抵安平。

史君此行，謂係「仁伯（久丹）、翰臣（久青）二兄相招甚切」，二人蓋其親兄，書中又稱久丹為「大兄」。

及抵臺南，久丹（稱仁兄）遣僕來迎，久青（稱翰兄）則已亡故，乃「與仁兄同寓旅舍，相與叙手足情」。初到異地，即逢二兄客死臺灣，其悲悼可知。久龍以下似尚有其他兄弟，故葉三下詩中有註曰：「伯仲中，仁、翰二兄及龍為長」；而在臺者亦惟仁、翰二兄。

抵臺後，即在支應局裏理文案，局設於鴻指園，曾對其景色加以描寫。於當時臺南及安平情形，所述尤多。

次年（光緒十九年）正月，有嘉義之行，考察風俗、人情、駐軍、市況、田賦等頗詳。

七月十六夜，附乘送鄉試士子輪，繞到福州，至臺北一行。十七午至福州，對於中法之役，張佩綸不守長門，而守馬江，痛加指責。參觀船廠及馬關市街，亦有所評論。十八日自福州至滬尾（淡水），乘斯美輪。另有「駕時」輪，則專行香港，此二輪在臺灣對大陸近代交通史上，頗具

重要性，屢有人提及；而史君獨注意其購置之經過。

十九日，由滬尾至臺北大稻埕（今延平北路一帶）長兄久丹（仁伯）適在臺北。以其書撰於割臺之後，故夾叙來議，感慨甚多。

時臺灣海關設於滬尾、基隆、安平、旗后（高雄），史君亦留意其收入。至於在臺南、臺北，不見一書坊，而謂文風低劣；又云臺灣獲登春秋闡榜者，多係粵籍，不知其正確性如何，但能注意及之，亦自不可多得。

堂中對於割讓前之臺北市況、西學堂與番學堂、板橋林氏、艋舺盛況、北門外機器局、東門外商務總局、基隆至新竹之鐵路、臺北茶行、瑞芳金砂及煤礦等，均曾一一筆錄。

十月，史君奉派辦理滬尾鹽務，故書中對臺灣產鹽、管理與行銷、內地輸入之鹽（唐鹽）等，記述特詳。史君既留住滬尾，故對當地頗多瞭解，觀察至細，如形勢、砲臺、中法之役、市況與洋行，以及全臺行政設施、南北東西之要塞、澎湖情況、官府收入、防營與屯營、械關、祀神

與迷信、建築、特產、海鮮等，均一一爲之記述。光緒二十年（甲午）正月，以事赴基隆，亦有扼要描寫。

是年四月，決定改臺灣爲行省，乃擬一條陳，因奉調而未遞呈，但亦收入書中，主要者四點：一爲正風俗，二爲減田賦，三爲興棉桑，四爲改兵制。

五月，調職至埔里集集街腦務局；二十二日乘火車經臺北至新竹；二十三日乘肩輿至後龍；二十四日至大甲溪；二十五日至彰化。時臺中府知府爲陳文縣。休息二日，再乘肩輿，經南投而至埔里。對於樟樹出產之地，製樟腦之法、洋行之自行設廠、腦戶、腦丁被生番之毀殺、防費之征收等，記載可謂不厭其詳。

至六月中旬，史君聞知日人已進攻遼東，對於派劉永福守臺南，殊不以爲然。彼以爲「凡百蟲物，去其尾尚可求生，去其頭必至立斃」，蓋逆料日軍必傾全力以攻臺北。

此後所述爲全書最重要處，蓋當時湘、淮、土、廣諸軍雲集臺灣，邱逢甲建議招募義軍；尤以光緒二十一年（乙未）正月，作者以事赴臺北，多所親見。迨二月二十八日，澎湖失守，李鴻章已赴日議和，全臺割棄，而民多不知。史君亦尙於三月二十日上稟撫帥，提出禦敵之道。

割臺之期既定於四月二十日，史君記至此，有云：「不禁上爲朝廷哭，下爲臺民哭，再爲四海之百姓哭。」四月初五日乃離集集而至南投。時各地土匪蠢蠢欲動，臺北方面於初八日來電，

謂割澎不割臺，蓋欲藉以靖匪也。十八日，史君先道眷由臺北乘輪返回上海。時長兄亦已逝世。二十八日，史君在臺南，聞知臺灣民主國成立，唐景崧被推爲總統。

五月初六日，作者得知府允准，委人代理局務，乃返集集料理。十六日至臺南府交替局務。所記臺北方面之紛亂狀況，及四月十八日，唐帥（即景崧）家眷携行李內渡情形，皆得自臺北友人函札，尤爲難得史料。至所記臺灣縣令、署雲林縣令，由臺北前來接篆，以及臺中知府鄧景嵩於十七日接印，「閩城文武紳董，皆依舊制靴手版，冠冕趨跽，真可謂好整以暇者矣云云」，實目擊者之第一手史料。

唐景崧於十二夜微服而逃，由滬尾登輪，經過情形，頗爲曲折，史君鑿言之。五月二十六日史君亦自安平登輪，返回內地。

計自光緒十八年九月十九日（一八九二年陽曆十一月八日）抵臺，迄光緒二十一年五月二十六日（一八九五年陽曆六月十八日），共在臺南年七個月又十日。

當臺灣銀行經濟研究室刊行「臺灣文獻叢刊」時，余曾覓人繕寫，爲之標點，以備採用，終以字數太少，不能自成一帙而作罷。

光緒二十三年，即「憶臺雜記」刊行後一年，「餘姚縣志」重修竣事；二十五年，邑人邵友濂作叙，同年刊行。民國六十三年，餘姚旅臺同鄉，以中央研究院史語所藏本，付諸影印，吾友阮毅成兄爲之序，並蒙餽贈一部。余屢以史君行

跡及所著書告毅成兄，兄以史君官職微小，修志者不入名宦；所著書亦未入藝文，頗以爲憾，久謀重印。余查縣志名宦宋有史浩；列傳中明有史琳、史立模、史記勳；清有史在朋、史在官、史湛；列女史姓者三人、史氏妻者十二人；列入選舉表者尤多，則史氏在餘姚文化史上固亦有其地位。今年爲台灣光復三十週年，決定付「台灣文獻」重印，乃略記史久龍氏旅臺經過，及所著「憶臺雜記」之史料價值，或亦浙臺兩省文化人所樂聞也。

未央歌

鹿 橋 著

八折特價 月底截止

精裝一九二三元（定價二四〇元）
平裝一五二三元（定價一九〇元）

本書是以西南聯合大學及昆明作背景的寫實小說，描寫抗戰時期年青學生的生活與理想。值效開學期間，特以八折優待，月底截止，歡迎訂購。

臺灣商務印書館 發行